

حيات

میانہ دامنہ میانہ... دیباہ دہا جوق حیات قاتلم...!

- نیچہ -

ادارہ مرکزی :

آنقرہ دہ ، استانبول جادہ سندہ آنقرہ
معارف امینکی پانڈہ کی دائرہ

استانبول بوروسی :

استانبول دہ ، باب عالی جادہ سندہ ۱۱۹ نومرولو
دائرہ مخصوصہ
تلفون : ۳۶۰۷

نفسی ہر بردہ ۱۰ غرور شدہ .

سنہ لکی پوستہ ایلہ ۵ لیرا .
(اجنبی مملکتلر ایچین ۴ دولار) .

ایونہ و اعلان ایشلری ایچین استانبول بوروسی
مراجعت ایڈیلیر .
یازی ایشلرینک مرجعی آنقرہ مرزیدر .

صافی : ۱۸

آنقرہ ، ۳۱ مارت ، ۱۹۲۷

۱ نجی جلد



اقتصادی سیاستزده الك امین یول

تورکیہ اقتصادی حیاتہ بر وجهہ ویرمکہ قرار ویرہ جک مهم بر آندہ بولونویور . اقتصادی حیاتمزه مانع اولان قیدلر بویوک ظفرلہ اورتانن قالدقدن صوکر ملتزمک و حکومتزک الک قیصہ بر زمانده مملکتک ثروت منابعی ایشلته رک ممکن اولان اقتصادی رفاهه ایرمک اوزره بویوک بر اشتیاق دویدینی ، یوکسک بر عزم کوستردیکی الک بدین کوزلره بیله باتاجق درجده آشکاردر . آنجق بوکون ، اقتصادی حیاتمزه ناصل بروجہه ویررسهک مملکتک اقتصادی هدفه متوجه قوتلرندن اعظمی درجده استفاده ایدہ بیلیرز ؟ هانکی یولده یورورسهک محدود بر زمرة نک دکل ، عمومک اقتصادی رفاهنی تأمین ایدہ رز ؟ یکدیگرینه خصم اولاجق و اجتماعی نظامی بوزاجق زمرة لرک تشکله مانع ولورز ؟ سؤالری مواجهه سندہ یز . بوسؤالره ویرله جک جوابلرده کی اصابت ملی بنیه مزى الک اساسلی بر صورتده تقویه ایدہ جکدر .

بومستلہ لردہ غرب دولتلرینک بریحق عصرلق تجربہ لری بزه رهبرک ایتلیدر . برکره شونقطه یی تسلیم ایتلی یزکہ فردی حیاتمزه اولدینی کی جمعیتک روشنده ده تام بر ضرورت یوقدر . انسان هر هانکی بر عملی اراده ایدرکن برطاقم امکانلر قارشیسندہ بولونور . جمعیتک استقبالی ده بویله امکانلرله دولودر . فردده ، جمعیت ده قارشیسنه آجیلان

بویوللردن برینه دوغروکیدر . یورونمہ سی قابل اولان یوللردن الک امینی ، الک دوغروسنی ده ماضیده یاپیلان تجربہ لر ، ملی اشتیاقلر تعیین ایدہر . بو تجربہ لره واقف اولان ، ملی اشتیاقی دویان دولت آدملریدرکہ جمعیته حقیقی رهبر اولورلر . استقبالده توجه ایلہ جکمز اقتصادی امکانلردن بری اون دو قوزنجی عصرک ایلک نصفنده بعض حکومتلرک اقتصادی حیات قارشیسندہ آلدقاری وضعیت اولابیلیردی . حکومت اقتصادی حیاتده ناظملق وظیفه سنی قبول ایتیز ، سعی و سرمایه اربابی کندی حاله بیراقیر ، هر نوع اقتصادی فعالیتی فردلردن ؛ اونلرک تشکیل ایدہ جکی شرکتلردن بکلیه بیلیردی . دارالفنون معلملرندن ارقاداشمز موسیوبونافوسک (حیات) ده انتشار ایلہ ن قیمتلی مقالہ سی بونک مثلاً فرانسده نه نتیجه ویردیکنی بزه پک کوزل ایضاح ایتمشدر . بر عصرلق تجربہ ، قیزیوقراتلرله ادام سمیت اقتصاد دینک استناد ایلہ دیکی مبدأ لرک یا کلیشلغنی صراحة کوستردی . دولت عمومک نفعی تأمین وظیفه سیله مکفدر . حقیقی ده موقراسی ، دولتک تأمین ایلہ مکلف اولدینی اجتماعی نظام وعدالت ، آنجق حکومتک صرف عامه نک نفعی ایچون اقتصادی ساحه ده ده ایفا ایدہ جکی خدماتله حصول بولا . بیله جکدر . تورکیہ ایچون بو حقیقت ده اوقوتلیدر تورک ملتک الک مهم قدرتی خلقلک سعینه مستنددر . بوسعی تنسیق ایتک ، اوکالازم کلن سرمایه معاونتنی یایمق و یاخود خارجدن کله جک سرمایه یی برطاقم طفیلی متوسطلرک معاونتنه محتاج اولمقسزین مساعی اربابنک انه کچه جک وجهله تشکیلات وجوده کتیرمک ، جمهوریت حکومتی ایچون الک اساسلی برعمده اولدیغنه شبهه یوقدر . اونک ایچوندرکہ

حکومت عمومک نفعه خدمت ایدہ جک یوللری دولت قوتیله یایدیرمینی و ایشله تمکی اساس اولارق قبول ایتمشدر . ینه اونک ایچوندرکہ ملی بانقہ لرک سرمایه سنه اشتراک ایتمکدن ، اقتصادی ایشلره کیرمکدن ده چکیمه مشدر . اقتصادی سیاستزده صریح اولارق آلتناجق وضعیت بر طرفدن بو یولده قوتله یورومکله برابر دیگر جھتدن مساعی اربابی سرمایه دار یاپایلمکدر . مملکتک اقتصادی رفاهی ، اعماری ایچون ایکی یول دوشونوله بیلیر : بری فردلره ، سرمایه صاحبی اولانلره و یاخود خارجی سرمایه نک کله سنه توسط ایدہ نلره قیمت ویرمک ، اونلر واسطه سیله مملکتده بویوک صنایعک تأسس ایلہ مه سنه یاریم ایتک ؛ دیگر ی بوکون موجود مساعی اربابی برلشدیرمک اونلرک سرمایه دار اولماسنه یاریم ایلہ مک ، خارجدن کله جک سرمایه نک دوغروندن دوغرویه بو مساعی اربابنک انه کچمی ایچون تشکیلات یایمقدیر . برنجی شکلده بو کون غریبه اولدینی کی ایلریده بزده ده قوتلی سرمایه صاحبی اولان بر صنف وجوده کله جک وبونک قارشیسندہ اونلر طرفندن آز چوق استثار اولونان مساعی اربابی قالا جکدر . بو ایکی زمرة نک تبدیلی اجتماعی نظامی بوزایلیز ، غرب مملکتلرندہ کوردیکمز مجادله ایلریده مملکتزده ده باشلار . نه ایچون اوروپانک تجربہ لرندن استفاده ایدہ رک اونلرده کورولن مرضی حاللرک اوکنی آلیه لم ؟ نه ایچون منافعی یکدیگرندن آیری ایکی صنف یاراتالم ؟ تورک جمعیتک بو کونکی قوتلرندن بری ده یکدیگرینه خاصم اقتصادی زمرة لرک موجود اولماسیدر . بو بر نعمتدر . بزده نه بر آریستوقراسی صنفی ، نه ده یکدیگرینه

علم حرکتی

تاریخی شعورده تبدل [*]

تاریخیچیلک دوری کچمشدر . یکی بر تاریخ یورغونلانی دوری ، دوغمش کیدر . تاریخ ایچنده یوموش اولانلر ؛ عمومک ، خصوصیه کنجکمزک یکی بر فکری وضعیتی قارشیشنده قالیور . یکی منبعلرک کنیشلکی آلتده آزیلن ، تازه وثیقه لره حاکم اولمايه چالیشان زمره ؛ مورخک محیطندن خارج قالان دنیاده کی احتیاجلرک ، تاریخ مراقفک اساسی صورتده ده کیشدیکنی آک آرحس ایدیور . بر زمانلر حاد دورلر یاشایان تاریخی موضوعلر مراقف ، شیشی - آفاق تاریخی تدقیقلرینه قارشى کوستاریلن اعتماد ؛ بکون قایب اولمشدر . بر زمانلر نفرت ایدیلن انفسی ، دها آجیق بر تعبیر ایله فلسفی ، بدیی ، دینی تاریخ تلقیسی بونک برینی طومشدر . مسلك کوروشی اعتباریه بوتلوقیه تمامیه لاقید قالینبیلیر . تاریخ علمک دیسیلینتی ، بونک ایچین ، ده کیشدیرمه یه لزوم یوقدر و ده کیشمه یه جکدرده . فقط وجوده کتیریلن اثر ، یالکز علمی علاقه دار ایدن برشی اولور . حربدن اولکی سنه لره عائد کنیش عکسلر سوندی . شیمدی باشقه بر فکری اشتیاق یکی ساحلر آریور . زمانک شعوری ، تاریخ قارشى آلمش اولدوغی وضعیتی ده کیشدیردی . اصل حیرته برافان شیده شودر : بزم بو کویا تاریخ یورغونی دورمزده اولدوغی قادر تاریخ ؛ هیچ بر دورده ، عملی پولتیه ده ، ملترک ، فرقه لرک مجادله سنده بویه بر اهمیت قازانمشدر . بو غریب مسأله نک سبیلری ندر ؟

بز ، ندریه باقارسق وثیقه لره ، اصولده ، قیون ایدیلن کوروش طرزنده «انفسیک» کحا کیتنی کورورز . بو هیچ بر زمان «اشقا تورلو اولامش ، یالکز قبول و اعتراف ایدیلده مشدر . تاریخ قیمتی ؛ متعال شیشیک فکریته استناد ایدیوردی . بو اعتماد صارمیشدر ، تکرار کله سنه ده امکان یوقدر ، چونکه : بوتون قیمت لوحه لری پارچالانمشدر .

بونک قیریلما سنه سببده موضوعک اقتصزلیدر . تاریخ ساحه سی معظم بر صورتده کنیشله مشدر . یالکز ، کنیشنی یاواش یاواش تدقیقاته آچان تاریخمزدن اولکی کنیش عصرلری دوشونک کافیدر . بوزمان کنیشلکک یاننده برده مکان کنیشلکی واردر . دنیا تاریخی ؛ بوتون کره یی احاطه ایتیه باشلیور . وقعه لره ، جوغرافیایه عائد موضوعلرک چوغالانسندن زیاده مادی موضوعلرک چوقلنی مشکلاتی آرتدیریور . ادبیات ، صنعت ، اقتصادیات ، حقوق ، دین تاریخلری ، شبهه سز ، یکی دیسیلینلر ده کیلدر . فقط بونلر

[*] بومقاله ، «دی نویه رودشاو» مجموعه سنده انتشار ایشدو . حرری شیمدیک پروسیا معارف ناظری پروفه سور به قوردو . نشر ایشدیک برچوق قیمتی ، تاویضی آنرلره آلانلرده جدی بر موقع قازانمشدر . بزه تاریخ مناقشه لری دوام ایدوکن بو صلاحیتی بر قلندن چیقان مقاله نک علاقه اوایتدیراجفته آمینز . م . نری

بشر ، بونلری تکثیر و تنويع اتمک اعتباریه بر باشقالق عرض ایدر .

تجربید و تعمیم قابلیتیزک ظهوری ، بو باشقالقه یب یکی بر رنگ و بریور و یازی لسانی تثبیت اولونیور . اجتماعی احتیاج ، نهایت اعتباری و مقاله وی بر طاقم اشارتلر و سسلرک قبولی استلزام ایلش ، بو صورتله کرک شفاهی کرک تحریری لسان تشکلی اتمک باشلامشدر . هر ایکی لسان آرتق مجرد و عمومی فکرلره محفوظه اولان قابلدن عبارتدر . حالبوکه هر کونکی مشخص انطباعلرک و بریدیکی تأثیری ، بولسانده افاده ایدو جک مقابللر یوق کیدر . ایشته صنعتلرک منشائی بو صورتله لسانه مربوط اولویور ، و ذهنی تحلیللرک ترقیسی نتیجه سنده قونوشولان و یازیلان لساندن کوزل صنعتلر نشأت ایدیور .

بویه جه ظهور ایدن صنعت ایکی صفحه گوسترمشدر (۱) سمی اولانلر ؛ ۲) بصری اولانلر ؛ اولکیلر قونوشمه لساندن ، ایکنجیلر یازمه لساندن چیقور ، شعرو موسیقی سمی ، هیکل تراشی و رسم بصریدر . ایضاحاتی بواسسه بنا ایتدیرن و هرون ، صنعتک منشائی لسانه باغلامقله اولک شائی ماهیتی اثبات وارائه چالیشمشدر .

۵ -

ایشته مؤلف «کوزه لک» ی و «کوزل صنعتلر» ی بو صورتله ایضاح ایدیور . اوکا کوره صنعت ؛ اجتماعی و بشری بر عضویتدر . بناء علیه اسطوره وی ، مابعد الطبیعی ملاحظه لره تحلیلی یوقدر . کوزل صنعتلرده ، حاسه لر مزله علاقه دار اولوب قسماً سمی ، قسماً بصریدرلر . سامعه صنعتلری (بلا واسطه افاده - expression Immediate) ی ، باصره صنعتلری ایسه (بالواسطه افاده expression mediate) ی اراشه اتمکده در .

توتون و هرونک بدیی تلقیلره قارشى یاپدینی بو عکس العمل ، حقیقتده اون طقوزنجی عصرده فلسفی علملره مؤثر اولان علمی اصولدن ملهمدر . دها اول اجتماعیات مزده جیلری طرفندن بدییاتک بوماهیتی ، آجیق بر صورتده ایضاح ایدلمشدی . شو قادرکه و هرون کندی شخصی کوروشلریله بواصول مزج ایتش ، ممکن مرتبه علمی و طولیو ، مباحثنی وقت وقت آکلانه جفمز بر بدییات منظومه سی وجوده کتیرمه چالیشمشدر .

فکرلرینک بزجه الک مهم جهتی ، صنعتک بشری بر محصول اولسیدر . بو بشری وصفه برده اجتماعی صفتی علاوه اولونورسه اوزمان علمی بدییاتک غایه سی حاصل اولاجقدر . زیرا آجیق پوشکاده بدیی تلقیلر - مزده کی اساسی تحووللری ایضاح و تدقیق ایدوبیله جکز ، بدیی حیاته بو صورتله حاکم اولایله جکز ، ایستدیکز (کوزل صنعتلر) ی یاراتیرکن اونلری جویره ن قوته نفوذ چاره لرینی آراشدیرهرق بدیی حرک قرتلنمسنه و مستقبل تورک - آناطولو صنعتک کله ، فورجه ، طاش ، مضراب ، چکیچ ، حرکت ، رنگ ، کبی مختلف واسطه و ساحه لرنده بکادیکمز شاهقه لرینک بوکلمسنه چالیشه جفز .

ضیاء المبره فخری

حقیقتده صنعت ، اشیایه عائد مفهوملر مزک طوعی و بنفسه ، حر بر افاده سیدر . او افاده ، کسی ویا فطری استعدادلر ، مادی و معنوی تأثیرلر قارشیشنده بر طاقم ترکیبلر یاراتیور . بو ترکیبلرده دائماً ایکی عنصر واردر : شأیت ، شخصیت ، و هرون شمدی یه قادر ایلری سورولن نظریه لره یا تماماً شأیتیه ویا تماماً ایدو آل بر شکله شخصیته مربوط قالدیغنی سوبله یور . حالبوکه حقیقت نه برنده ، نه ده دیکرنده در . بلکه ایکنسک حقیقی بر امتزاجنده در . بوراده ماده نک معینتی ، روحک حریتی ایله قارشییور و یکدیگرینه تداخل ایدیور . یوقسه دینلیدیکی کبی صنعت ، نه اشیاتک تام و سطحی قوییه سیدر و نه ده افلاطونی ملترک تقلیدیدر .

۳ -

بویه جه صنعتی ، مه تافیریکجیلرک الندن قورتاران و اوکا بشری بر هویت ویره ن مؤلف ، بالآخره صنعتک منشائی آراشدیریور : صنعت ، بشری عضویتک محصولی اولنجه ، یالکز بوکسک مدنیتلره عائد قالمیه حق ، اک ابتدائی بر قیایه ده بیله یاشایه جقدر . افلاطونک فکرلرنده بر حقیقت حصه سی وار . اونکله برابر بیلیرکه ایلك وحشی انسان ، مقدم بر حیاتک طانیه بیلیدیکی آغوز جلرینی میدانه چیقارمغه جهد ایتدی ! مسأله ، بوراده ، صنعتک درجه سی دکل ، بالذات وارلغیدر .

کوزل صنعتلر ایچنده اک زیاده «رسم» ک قدیم ماهیتنه و هرون اهمیتله اشارت ایدیور . بوتون بدیی تشککلر موجود اولادن چوق اول ، رسم ، موجود ایدی . بو موجودیتک یکانه حکمتی ، تحفظ سوق طبیعیتن ایلری کلپور : ایلك انسان ، حیوانلره قارشى عکس العمل یایه حق سلاحنه بر فائیت آشیسی آشیلاقم ایستدی و اونک قبضه سی سوسلادی ! فقط منشائی ساده جه بونکله ایضاح ایدمه یز . بزده برده (الکابی - Le mien) تمایلی وار . بالخاصه سوق طبیعیلر مزنی تطمین ایدو جک واسطه لره اعظمی مالکیت صورتیه تحقق ایدیور . یاشارکن (الکابی) طرزى آراپور و بولیورز . بو بولوشده موقفیتیزی تأمین ایدن ، بالخاصه بشرده کورولن تحلیل و تعمیم قابلیتیدر . ماده و طبیعت عالی قارشوشنده اشیایی آکلامق ، آکلادق لر مزنی حفظ اتمک ایچون (لسان) وجود بولشدو و هرون ، بو نقطه یی اوزون اوزادی یه آکلادق دن صوکره موضوعه دونیور : کرک قونوشمه لسانده و کرکه یازی لسانده صنعتک تخمی واردر .

مؤلف ، دعواسنی اثبات ایچون ابتدائی مدنیتلری تدقیق ایدنلرک معطالرینه مراجعت ایدیور . بالخاصه مجازی لسانده کندی ته زینی اثبات ایدن نقطه لر کورن و هرون ، سینولوغ آهل رهموزانک تحریلرینه مراجعت ایتش ، بوتون بونلرک نتیجه سنده لسانده مکئی - Potentiel بر حالده صنعتک کیزلی بولندیغنی ادعا ایلشدر .

۴ -

مؤلفه کوره ایلك انسان ، حیوان کبی ، ایکی افاده واسطه سنه مالک ایدی : ندا و ایما . یالکز

«تفرد» لزوم جيقارق عمومی بر فکريات و کولور تاريخی طرزنده محاکم ايديلک ، سياسی تاريخه اولان متقابل مناسيلرني تأثيری اضاح ايديلش کورمک ايدور . موضوعاً شاعرتان کيشلکی بون ايلاری کلکدهدر . بوکاده بر فرد ، حاکم اولاماز . هرتاريخ تدقيق موضوع انتخابه ، بونک حدودلری برمکله باشلار . وئک ايچين « انفسی » ولور . بو ، بالکيز تاريخه مخصوص برشی ده کيلدر ، دولتهده اوله ، اقتصاديائدهده وضعیت ، اوقادار مضلدرکه تانان احواله قدرتی ، کافی کلکز اونک ايچين بون هر شوليله مطالعه ايدهرک ستحصل ايديلن دهرين بر قنعت برینه محدود بر بيلکی ، بر ساحه به عايد بر بيلکی . وده « انفسی » اولق شرطيله ايله ايديلش اولور . بونون تاريخی قاورايارق آکلامق ، « ديله تانلق » اولمدر . فقط احتصاص ساحه لرينه آيرمق ده يورويور ، آرتيق علاقه دار ايتيور . خصوصيله دورک استقامتی « قرونیک » دن ، يالکيز سياسی تاريخدن خوشلانمور . عموميتله تاريخی وقعه لر ؛ بر جوغی ايچين اسکی قيمتی قايب ايتمدر . اونک ايچين تاريخی انکشافک معناسی ، قيمتی ، عامللرني فکزلرني اوکره نك اشتياق اوياعش ، تاريخک « داخلي » حقيقتلرني اوکره نك اشتياق ؛ تاريخی شأيتک اهميتنی آزانمدر . شيمدی بز تماميله « شخصی » بر ساحه به کيرمش اولويورز . پيغامبر محمدک تاريخی حياتی کیمی علاقه دار ايديور ؟ مناقشه . لرينه ، مدافعه لرينه دليل بولاجقزلری اميد ايدن قسماً ميسونه رمحيطنه منسوب برقاق پروتستان وقاويلک عالمی ده کيلمی ؟ حالوکه : ميلونلرجه انسانک تاريخی محمد حقتده جوق اساسز فکزلری وارددر . بون تاريخی حادثه نك جريان طرزی اولری علاقه دار ايتمز . چونکه : حقیقه ياشايان و تأثير ايدن شی ؛ تاريخی شأيت ده کيل ؛ داخلي بر حقيقت طرزنده اينانيلان ، شأنی وقعه لرله شخص اسملريله ، شهرلرله هيچ بر مناسبتی اولمايان تاريخدر .

هرتاريخ يازيليرکن موضوع و وثيقه لر انتخاب ايديلير ؛ موضوع و وثيقه لرله شئی - آفاق ديرسه ک انتخاب کيفيته « نفسی - انفسی » ديرز . يعنی « شيشلک » قارشينده « نفسيلک » حاکمدر . مورخ ؛ بولدوغی شيلره « شيشی » اراده سيله « نفسی » بر شکل ويريرکن صنعتکار کي حرکت ايدهر . بوسورتله علمی تاريخه يازيليرکن دورک صنعتکار شعورينک جريانه قانيلمش اولور . صنعتکارجه يازيلماش تاريخ ، بزم ايچين آرتيق تحمل ايديله ز برشی اولمدر . فقط تاريخ ؛ صنعتکارجه يازيلدينی نسبتده فدا کارلق بايللمش ديمکدر . مورخ ، ايسته دیکي قادار « شيشلک و آفاقيلک » ادعا سنده بولونسون ! بر تاسيت ؛ حيرته قالير . بلکه ده او اثرينک غايه سه نه قادار آز اويدوغنی بيلوردی . بزموده رن مورخلرايه ؛ کندی « نفسيلک » مزی التزام ايتک جسارتی کوسته رمه لی و بر زمان اولان شيشک قيمتی ، تأثيری يالکيز « نفسيلک » له تأمين ايديله جکميزی آکلامالی بز . صوگ تاريخه کوز کزديره نلر بيليرلرکه : تاريخک ده (انطباعي - امپريسيونيست) دوری وارددر .

سته فان غه نورغ محيطنده برانطباعيلق حالاياشيور . بر شخصی ، يا خود برشی ؛ کنديلکندن ، معناسندن ، و طه سئک ماهيتندن ايديله ن حسن ايله اضاح ايديلور . بر شخصی ، يا خود برشی عايد بر فکر ؛ معين بر زمانده ، معين بر محيطده اويانديردينی تأثيره ، قيمته کوره مناقشه اولونويور . رسیده حکم سوره ن معنوی ضرورتلر ، تاريخخده ده يکلی « کوروش اساسلری » می وجوده کتيره جک ؛ لاکن بوتقديرده تاريخی حقيقت ، تاريخی شأيت ، هيچ بر وقت « شيشی » بر قيمت قازاناماز سه ده ، بری برينه داهای زياده ياقلاشمش اولاجقدر .


موضوعک ايشله نسي مألوسی ؛ بزنی تاريخی اصول مألوسنک ساحه سه سوروکلادی . شيشی و دوغرو بر اصول اعتمادی صا صيلمدر . بز ، حالا (تاريخی اثباتيه جملک) ک تأثيری آلتنده ياشيورز . بودوک معظم سعینی ، شيمدیکي نلدن بکله به به بز . هيچ شبهه سز بوکون بزده معظم وثيقه لر نشر ياتنه (خارجيه وثيقه لری) شاهد اولويورز ؛ فقط بو ؛ Monumenta ايله ، بابالقی وثيقه لری ايله ، بوکا بکزه به ن وثيقه لر کلیاتی ايله مقايسه اولوناماز . واقعه لر بت برستلکک جاذبه سی قايب اولمدر . يکلی منبعلر ، يکلی وثيقه کشفلری آرتيق اسکیسی کيبي هيجانلی بر تأثير اويانديرميور . يکلی بر کوروش ، يکلی بر انشا طرزی ، يکلی بر تاريخ تلقیسی ، يکلی اصوللر ؛ بوکون وضعيته حاکمدر . بوکونکی کنجکلکمز تاريخی جريانک تشریحيله ده کيل ، عضويتی ايله اوغراشيور . طبیعی شونی ده علاوه ايتمه لی بزکه بو ، « اثباتيه جی » بر طرز اولقندن زياده « روحاني جی » در . وثيقه نشر ياتی ده کيل (تجربه قلميه - essai) دورمزک تاريخ شعورنی افاده ايدهر .

بوجريانه وازی اولارق دوام ايدن بر جريانندن ده بحث ايدلم : تاريخی رومان ، حتی قلاسیق تاريخی درام مراقده آزاليور . بزم اُک اهميتلی تاريخی دراملرمن ، دورمزک روحنی ، جريانلرني افاده ايتديکی وقت ، تياترولرده سيرجیلر بولابيلور . دورمزک انفسيلکني اضاح و تصديق ايدن برشی ده وارددر : بوکون شکسیرک « هاملته » ندن ده کيل فلان و فلان مشهور رژیسورک « هاملته » ندن بحث اولونويور . تاريخی وقعه لرله قارشى کوسته ريلهن تاريخی حسن نقصانلقی صنعت اثرينه قارشى ده کوسته ريلش اولويور . ايسته نيلديکی قادار تأسف اولونسون ، حتی خوشه کيمه سين ، بو انکار ايديله ميه ن بر واقعه در .

تاريخ مه تودی ؛ اثباتيه جيلک ساحه سندن چيقتجه (عملجیلک - پراغماتيزم) ساحه سه کيرمش اولور . فقط بوکونکی اصول انفسيلککنده کنديسنی حسن ايتديرهن بر تلقی وارددر ؛ پراغماتيزم ؛ تاريخی ده کيل ، أدبی برمسألهدر . باشقا بر تعبيله « معنا تثبيت ايدن » ده کيل ، « معنا ويره ن » بر جرياندر . بونکله انکشاف مناسبتلرينک ، معناسنک ، شيشی بر صورتده تثبيت ايديله سی امکاني انکار ايديلش اولويور . لاکن بوکا مقابل تاريخی عامللرک « انفسی قيمت » ی قبول ايديلور . « شأيتک » ی آشاغی يوقاری

ساختمه لهديره ن پراغماتيزم تهلکه سه قارشى کوز بومولاز . وضعیت ؛ احاطه و تصویری کچمش کونلرک مکتب حکمتلرينه نصيب اولاماياجق قادار معضلدر . بز « سائقه » منزله اويله حسن ايديسورز که : سياسی پراغماتيزم ترسه يورودوکي وقت اقتصادي و فکری پراغماتيزم تحمل ايديله ز برشی اولور . مادياجي تاريخ تلقيسنک ياشادینی اورژيلردن صوکرابوبله برعکس العمل قولايقله آکلاشيلير .

بز حياتده اولانلرده جوق ، هم جوق تاريخ ياشادق . اسکيدن نثري خاطره کلعه به ن خارجي وقوعات ؛ بزه ماضی يی باشقا تورلو محاکمه ايتک لزومنی اوکره ندي . تاريخک يالکيز مسلسل آقيشندن ده کيل ، عینی زمانده وقعه لرک ايسته نيلش اولما سندن بر « قرار سزلق » نظريه سی چيقارمق امکاني وارددر . وقعه لر آراسنده « ثابت » قالان شی ، بو « قرار سزلق » در . بوشکل و برمک غايه سی تعقيب ايدن پراغماتيزم ايله داهانه ياييله بيلير ؟ و صوگرا : مأمور جهازينک حقیقی فعاليتنی کم بيلور ؟ (خصوصيله بونی بيلهن مورخنر ، دولت نظرياتچيلری جوق آزددر .) بوراده حصوله کلن اختلافلرک بين الملل حياتده کی تأثيری کم آکلا تاييلور ؛ تاريخی انکشافی يالکيز بر طرفلی اولارق تحمل ايدهرکن حقیقی مسئوللری بولق امکاني وارميدر ؟ دولت آدملرينک مدافعه لرينی دیکله دیکمز وقت ، حرکتلرني دوغرو کوسته ريمک و سبيلرني اضاح ايتک احتياجيله جوق دفعه شويله بويله ، حتی بعضاً قناعت ويره ن بر پراغماتيزمه وجود ويردکلرينه شاهد اولويورز . اسکی شيشی تاريخ تلقيسنک ، بوسورتله عاداتا حقلي اولدوغنی کورورز . نه قادار يازيق که : زمانغز ؛ بونک قطعياً تاريخی شأيتک اولماديقنی بيلور . بوراده شأنی اولان شی ؛ دولت آدمانک قوردوغی پراغماتيزمدر . فقط بو ، نه قادار مؤثر اولورسه اولسون نهايت « اويدورما » برشيدر . بونک باشقا تورلو اولما سه امکان يوقدر . تاريخی بر صفحه به شکل ويرمک ايچين منطقی - أدبی بر شکله مراجعت لزومی وارددر . چونکه : برلکده ياشايانلرک ، برلکده مؤثر اولانلرک حافظه سی ؛ اهميتلی تاريخی حادثه لرده مؤثر اولان قوت باراله لوغرافي حقیقه مشاهده و تثبيت ايدهرک قدرته ده کيلدر . تاريخی جريانده ، کلیشی کوزهل ظن ايدلديکندن داهاجوق « مجبوريته » لر حاکمدر . بوسکله برابر اسکی اوکين شهرنا - Oxenstierna مذهبی صوگ حقيقت اولارق قبوله ده لزوم يوقدر . تاريخخده ياشايان شی ، اراده در . فقط بر فردک اراده سی نادردر . اراده یی جانلانديران ؛ اوکايارايچي بر قدرت ويره ن ، يا خود اونی تولديره ن قوت مناسبتلرني شيشی بر پراغماتيزم جرجيوه سنده مشاهده به امکان يوقدر . بوکا ياقلاشمق تشبتمز ، هروقت « انفسی » قالير . اداره باشنده بولونان بر دولت آدمانک حاکم فکزلرني بوکون کيم شيشی بر صورتده « تثبيت » ايديله بيلير ؟ بوفکرلر اونک ميدر ، يوقسه اونکله برلکده چاليشانلرکمی ؟ قلم حياتنده ؛ علم دونياسنک خيالنندن کچمه به ن ، پک جوق آنويم بويوکلر واردرکه ، پيسمارقه ، هولشتاينه اسم ويرير . بونون بو مطالعه لر ، ياشانان وقعه لر ؛ شيشی تاريخی



تماشا ده منقدهك وظیفه سی

محرر تماشا صنعتی میدانہ کتیر بر . عمل بو میدانہ کلن صنعتہ جان ویرر . تماشا منقده ایسه ، بوجانی صنعتك استقامتی تعین ایدر . تماشا تنقیدی غایت طبیعی اوله رق ایکی اساس اوزرینه یورور : اثر ، تمثیل ...

منقده بر اثری تنقید ایتك ایسترن اولانه زده ، صوکراده لسانه دقت ایدر . تهاك اهمیتلی واك زیاده نظر اعتباره آله جق برنقطه در . بوتنه زك بالکز منقدهك خوشه کیتسی کافی دکدر . چونکه برتهز اجتماعی حیاتہ فايدا ویرہ یله جك بر نقطه نظری ، اوکونه قادر یا کلیش اوله رق تعقیب ایدیلن فکرلری جرح ایدر یله جك بر قدرتی مدافعہ ایتدکجه ، تماشادان بکله نیلن استفاده آله ایدیلہ من . منقدهك بر چوغی ایسه ، کندی نقطه نظرلری مدافعہ ایدن تهزلری . اجتماعی حیاتہ نه قادر مضر اولورسه اولون . مدح ایتکدن منع نفس ایدر میورلر . صوکر زمانلرده فرانسه ده بوسویله دیکمز نقطه یه ، مثال اوله رق کوسریله بیله . جك بر حادته اولمدر . اوچ فرانسهز محرری اوچ مختلف ائرده عینی تهزی مدافعہ ایتلدر . بوتنهز ، فرانسه ده مهم برتأثیر یاشمدر ؛ چونکه اوکونه قادر علیهنده بولونان بر فکری بوتیارو اثرلری وقعه لرله ، نتیجه لرله تقدیر ایدیور وهر کسکده بوفکری تعقیب ایتمسنه چالیشوردی . بواوچ ائرده کی تهزشوایدی : «هرهانی برقادینک زوجندن باشقه برینه عاشق اولماسی عائلہ یوواسنی صارصماز وقادینک برحقیدر . هرکس وقادینک عائلہ حیاتنه کوستردیکی حرمتی ، عشقه قارشیده اظهار ایتدیر .» بو قادر غریب بر تهز ، منقدهك بر چوغی طرفندن آلفیشلامش ، یکی بر فکر اولدیغندن تقدیر لرله قارشیلانمدر . حالبوکه بوتنه زاجتماعی حیاتی زده له یه جك ، عائلہ حیاتی بر آئنده

شخصنه ده کیل ، عینی زمانده ، بلکه ده داهاز یاده دورک ذهینته ، تأثیرینه تابعدر . هر زمان ، هر شیدن اول هر دولت ، هر جمعیت کندیسنه کوره بر «تاریخ شکلی» وجوده کتیر بر . بزم بو کونکی دولترک هنوز تاریخی بر «نص - dogme» ی یوقدر . بز ، بونی یاغقله مشولز . لاکن بو ؛ بزه میراث قالان قلیشه لرله اولماز . بز بونی «انفسی» ضرورتلر مزله ، کندیمره مخصوص اولان تاریخی شعور مزله وجوده کتیرمک مجبور ائنده بز . تمی اولونورکه : هیچ اولمازسه ده کیشنه وضعیتی ایضاح ایتك خصوصنده کی تشمسز ؛ صلاحیت صاحب لری بو بویله ملرک تدقیقه سوق سین . حیاتنک بویوک بر قسمی علمی تاریخه حصر ایدر مؤلف ؛ تاریخی شعور تبدیلی بوکله ن نلک اثر لرله دویغولریله توشیق ایدیلش کوروپور و بی بالکز چوغی حقی بولوپور .

ایشته اویدوغی قادر خبر ویریور . بوتون فرقه لرک غزته لرینی اوقردقدن صوکر بر فکر ایدیمک ممکندر . دیگر طرفدن بونک حقیقی عامللری تثبیت ایتک یه کوچ اولوپور . مثبت بر صورتده تدقیق ایتدیکمز وقت ، سرعتله نلر اویدوروایغی ، یاشایان شخصیتلرک بیلہ نه قادر ده کیشدیر یلیدیکی کورورز ؛ نتیجه ده بر نوع ادبیات میو-لوزیسی میدانہ جیقپور . هله ماضینک اساطیری شخصیتلری تاریخی بر صورتده قیمتله ندیرمک بزه منظره لر آچور ! انسان ، شیدیمی بو قادر غیر شیتی اولمدر ؛ هیچ شبهه سز بو ، بو کون ، هر زماندن داهافنادر . فقط بو هر زمان بویله ایدی . بزم بر کون اورتا زمانک ، اسکی زمانک فرقه لرینه دائر حقیقی منبع لری اولورسه ، بوکونکی غزته وقعه نویسلکنده اولدوغی کیی ، او وقتلرده ده تاریخی کوروشک اهمیتلی بر تأثیر اجرا ایتدیکی کورمش اولورز . بز کندی شخصمزه تجربه سنی یایدیمز ، صوکره قادر دوشوندوکز وقت ، تاریخی کوروشک شیشلکنه ایتاق ؛ صافدلکدن داهای بویوک بر شیدر . بز ، تاریخی دوشونوشک اساس فکرلری هره دودتن ، توقودیده سدن ده کیل ، لوقارنو اشتلافی مناقشه ایدن غزته لر دن انکشاف ایتدیرمک اصولی اوکره نملی بز . بو بزه آچی بر تجربه ویرر : چونکه ؛ دنیاده ، تاریخی شائیلکک تنورندن زیاده قارائلق بر ماهیت آلماسنه یاردم ایدن چوق داهای فضلہ قوتلر واردر . تاریخی انکشافک تنوری ایچین هرایی طرفده جوق نادر علاقه لر کوسترمشلدر . هرایی طرفکده ایسته دیکشی ؛ انفسی پراغماتیزمک مشترک بر مال اولارق تلقی ایدیلیدر . بو دائما بویله ایدی ، بوکونده حالا بویله در . بالکز بوکونی آکلامق ایچین ده کیل ، شائیتله تاریخی کوروش آراسنده کی فرقی نهایت قاوراییلیمک ایچین ، هر مورخک بوکونکی غزته جیلکه اونک اصوله حلول ایتمسنی تمی ایتک ایجاب ایدر . موضوع ووثیقه لرک تلقیسی ، اصول ، تاریخی کوروش ؛ بز تاریخی «معلومات» ساحه سنه کوتورور . بومعلوماتده ده حاکم اولان شی ؛ «انفسیک» در . بز ، بر محاربه نک بعضی طرفلری ، واتر لوقوماندانلرینک اسملری ، بعضی معاهده نامه لری ، دولت آداملرینک نقطلری هر تورلو شبهه دن اوزاق بر صورتده تثبیت ایدر بیلیرز . لاکن تاریخ ، بومیدر ، خلقی علاقه دار ایدن مسألہ لر ، بومیدر ؛ تاریخ ، شویله بویله پراغماتیک بر تاریخ شکلله جانی و مؤثر بر ماهیت قازانیر . بویله بر تاریخ یاراتانلر ، بونی شیتی حقیقت ظن ایدیورلر . آرتق بو ، دورمیزک تاریخی دوشونوشی اعتباریله «انفسی» حس ایدیلور .

تاریخک شیشلکدن - آفاقیلکدن تجردی ؛ مورخک مسئولیتی اهمیتلی صورتده آرتدیر بر . هر نه قادر تاریخ ؛ بوسورتله vitae ancilla درجه سنه اینر . سه ده اوکره تن مورخک وظیفه سی ؛ عنعنوی vitae magistra رولنی محافظه ایتکده در . هرایی جبهه اعتباریله یارایجی مورخک تأثیر امکاتلری ؛ اهمیتلی صورتده آرتمدر . تاریخی کوروشک انفسیک ؛ بالکز مؤلفک

پراغماتیزمک مشاهدہ لرینه کوستر یله جك اعتمادی صارصار . پراغماتیزم ، ادبی بر مسألہ در . یعنی بر موضوع تصور ایدیلیرکن وارد اولایلیر ، بوخصوصده اوکا مراجعت ضرورتی واردر . بو اعتباریله تاریخی شعورمز ؛ جوق جالیدر ، هر زماندن فضلہ جانلیدر . عملی پولتیقه ده ، تاریخه شکل ومحتوا ویرمک مسألہ سی زمانمزه اولدینی قادر ، هیچ بر دورده بویله بویوک بر اهمیت قازانماشدر . معاهده لره تقدم ایدن مذاکره لر ، شرقی آوروبانک آلدینی یکی وضعیتی ، شرقک یکی وضعیتی دوشونوکز . داخلی پولتیقه ده ده ، کولتور پولتیقه سنده ده ، بویله بر تاریخ تلقیسی ؛ الک قدرتی بر دلیل خدمتی کورور . تاریخی یکی بر قیمت تلقیسی طرزنده مناقشه ایتک احتیاجی ؛ سیاسی منفعت مدافعہ سنک حدودلری خارجنده ده کندیسنی حس ایتدیر بر . بونفسی وضعیت ؛ باشند باشه عقلیشمش اولان وارلغزه قارشى دورک غیر عقلی بر پروتوسیدر . وارلغمز میخا . نیکیه شدکجه ، بوسورتله «تپ» له شدکجه فکری عکس العمل اونستده قوتلی اولارق حس ایدیلہ جکدر ، اوچونجی بر نقطه داهای وار : موضوع ووثیقه انتخابی ؛ اصول «انفسی» در ، بونی بیلورز . لاکن بز ، تاریخی بر کوروشه کوره مطالعه ایدیورز . یا بوکوروش ؛ بوک «نفسیک» ی حقنده اوتدن بری شبهه یوقدر . حقیقه اوتدن بریمی ؟ «شیتی» اولایه عزم ایتممش هیچ بر مورخ یوقدر . بوکاسکیدن بالکز وقعه نویسلر ده کیل ، اونلرک خبرلری ایشله یه مورخلرده ایتامشدر ؛ خلق ده بو مورخلره تابع اولمدر . صوکره حرب کلدی ، حدودلری دنیا اقتصادیاتنه قابلمش اولان مملکتده یه جك و اشیا ضرورتی حس ایدلدی . بوتون خلق ؛ استحصال و استهلاك ، زراعت ، صنایع ، تجارت آراسنده کی مناسبتلری ، حربدن اولکی الک عالم مدرسلردن داهای صریح بر طرزده کوردی . بوسورتله آلمان ملتی ؛ خبرلرله شائیلکار آراسنده کی مناسبتلری کوستره رن اونوتولماز بردرس آلمش اولدی ، تاریخ حقنده اساس فکرلر ایدیندی . او وقته قادر خلق ، حکایه ایدیلن خبره قارشى اعتمادسزلق کوستره رمه مشدی . «انفسیک» ؛ خبرلرک تحلیلی و قیمتله ندیر یله سیله باشلامش کیی اولوپور . شیدمی تمامیله آکلاشیمش اولوپورکه : خبرلرده بیله تاریخی کوروش بالکز کیزلی قالمیور ، عینی زمانده افاده ایدیلش اولوپور . ایلک اوکجه خارجی پولتیقه ده کوردوکزی ؛ داخلی پولتیقه ده ده کوردک . حالا هر کون بوکا شاهد اولوپورز . بومناسبتلری وقیله کورمش اولان بر قاچ عالم ده کیل ، الک بسیط بر فرد بیله بوکون بونک فرقه وارمدر . اونک ایچین بوراده صارصیلدیغی یازدیغمز تاریخی شعور مسألہ سی ؛ بوتون جمعیتی علاقه دار ایدن برمسألہ اهمیتنی قازانمدر ، اسکی وقعه نویسلرک رولنی بوکون غزته جیلر یاپیور . بوکون داخلی و خارجی پولتیقه یه عائد اهمیتلی تاریخی بر وقعه یی بردفعه ده غزته لرده تعقیب ایدیکز ؛ غزته جیلرک چوغی ، وقعه لری کوروشلرینه کوره یازیور ،